

Udin, ai 14 di Mai dal 2015

LA LENGHE FURLANE TE CONTEMPORANJETÂT

“GLI ITALIANI DELL’ALTROVE”

Ai 19 di Mai li dal MUSEU NAZIONÂL ARTS E TRADIZIONS POPOLÂRS
a Rome,

*une zornade di aprofondiment,, tra il percors fadiôs des minorancis e lis olmis profundis
lassadis dal Pasolini furlan*

La lenghe furlane fonde di identitât e specialitât. Specialitât che e puarte ae autonomie storiche (di fat cuasi za vivude cul Patriarcjât di Aquilee) e contemporanie (di conquistâ o di tornâ a conquistâ). **Si fevelarà di chest a Rome** dilunc di une **“Zornade di aprofondiment su la realtât culturâl des minorancis linguistichis storichis di Italie”**.

Il cuint apontament dal **projet** ideât de Present di Milan e clamât **“GLI ITALIANI DELL’ALTROVE”**, dedicât ai Furlans, al è inmaneât dal **Ministeri dai Bens Culturâi e des Ativitâts Culturâls e dal Turisim (MIBACT) in colaborazion cu la ARLeF**, rapresentade dal president, **Lorenzo Fabbro** che al declare: *«I furlans e il furlan a àn une storie culturâl e linguistiche lungje e ricognossude. O crôt che al sedi impuartant fâlu cognossi ancje tal “inaltrò roman”, lûc di impuartants intervants e decisions che a cjapin dentri, dispès, dutis lis lenghis, lis comunitâts e lis culturis minorizadis. Chest al è il sens de nestre partecipazion al projet e dal nestri contribût»*.

L'event si tignarà li dal **Mat (Museu nazionâl Arts e Tradizions Popolârs) di Rome, martars ai 19 di Mai, scomençant des 10.30**. A puartaran il salût istituzionâl **Antonia Pasqua Recchia, Segretari Gjenerâl MiBACT, Maura Picciau, Direttore IDEA-MAT e Lorenzo Fabbro, President ARLeF**.

Denant misdî si davuelzarà une taule taronde propit su la lenghe furlane, cul coordinament di **Domenico Morelli, president CONFEMILI**. Denant misdî a intervignaran il sociolic Bruno Tellia (La lenghe furlane te societât), il **gjornalist Paolo Cantarutti** (La esperience di Radio Onde Furlane), il **gjornalist Cristiano Degano** (La Rai pe lenghe furlane) e il **diretôr de ARLeF, William Cisilino** (Lis ativitâts di promoziun de lenghe furlane). Si larà indevant cu lis testimononeancis dal **Ente Friuli nel Mondo** contadis dal **vicepresident, Piero Villotta**, dal president dal **Fogolâr Furlan di Rome, Francesco Pittoni** e di chel dal **Fogolâr Furlan di Tokyo, Flavio Parisi** in colegament vie Skype.

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<

Il **dopomisdî** fis di events al scomençarà aes 14.30, dopo di un moment conviviâl caracterizât de propueste ai presints di vins e plats tradizionâi furlans. Cul coordinament dal professôr Rino Caputo, **la taule taronde e varà par argoment la leterature dal Pasolini furlan.**

I intervents a saran dal professôr **Giampaolo Borghello de Universitât dal Friûl** (La linie Pascoli-Pasolini), de **diretore dal Centri Studis "Pier Paolo Pasolini" di Cjasarse**, **Angela Felice** (La teorie de lenghe in Pier Paolo Pasolini) e de **vice direttore dal Mat, Emilia De Simoni** (Lis Italiis di Pasolini: dal Cjançonîr al Museu).

Fabiano Fantini, dal Teatro Incerto, al leiarà cualchi poesie e tocs significatîfs de opare pasoliniane. Lis conclusions musicâls a son lassadis ae vôs e ae ghitare di **Loris Vescovo.**

L'event al è stât pussibil ancje in grazie de preziose colaborazion di Ente Friuli nel Mondo, Fogolâr Furlan di Rome e Centri Studis "Pier Paolo Pasolini" di Cjasarse.

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<